

[32] Les Letres dont il luy a pleu m'honorer font remplies de femblables affections, ie n'ay que ces deux mots à luy dire pour Responſe.

Madame, que toute la France vous honore pour cette belle Couronne Ducale qui enuironne voſtre Chef: ie vous aſſeure que tous les diamants qui l'embelliffent ne frappent ny mon cœur, ny mes yeux; leur eſclat eſt trop foible pour trauerfer la grâdeur de l'Ocean, mais ie vous confeſſe que voſtre cœur qui honore puiffamment le Sang de IESVS-CHRIST me touche au vif, vous allez à la ſource de la vie, & perſonne ne peut aimer IESVS, qu'il n'aime ceux qui cheriffent & qui honorent ſon Sang. Sainte Tereſe ayant rendu quelque ſeruice a Noſtre Seigneur, ce bon Prince luy dit ces belles paroles couchées à la fin du liure de ſa vie: Ma fille, ie veux que mon Sang te profite, & que tu n'aye point de peur que ma miſericorde te manque, ie l'ay reſpandu avec beaucoup de douleurs, & tu en ioüis avec de grandes delices comme tu vois. Ce font, Madame les paroles que ie ſouhaitte, que ce Roy des cœurs adreſſe à voſtre cœur; feroit-il bien poſſible qu'une Ame qui honore [33] ſi amoureuſement le Sang de IESVS-CHRIST, n'en reſſentit point les effects. O! mon Seigneur, ne le permettez pas Amen, Amen.

Ceſte grande Dame eſt deſia payée de ſes aumofnes dès l'heure que i'eſcris cecy, pluſieurs Sauuages ont deſia prié pour elle dans ſon Hoſpital, pluſieurs y font deſia morts, le premier auoit veſcu comme vn Sainct depuis ſon Bapteſme, il y eſt mort comme vn Sainct. Ce bon homme regardoit la vie cōme vne priſon, & la mort comme vn paſſage à la vraye liberté. La parole luy manqua par vne grande oppreſſion de